



B e r t o

19 ©2020. Karapatang-ari ng awtor.

Reserbado ang lahat ng karapatan. Walang bahagi ng zine na ito ang maaaring gamitin sa anumang paraan maliban na lang kung pahintulot mula sa may hawak ng karapatang-ari o kung kailangang gamitin sa pananaliksik pangakademya.

Berto

Awtor

Renz

Patnugot

Jaz

Nagdisenyo ng Pabalat

PAUNA

Quarantine – To put or hold in isolation to prevent the spread of a disease

Quarantine. Dati nang ginagawa ito. Matagal nang may sakit na hindi tinutugunan. Kahirapan, kawalang-hustisya, kakulangan sa kaalaman. Matagal na tayong isolated sa mga matapobreng mapribilehiyo't mayayaman. Noon pa tayo nakakulong, mas lumiit lang lalo ang ating piitan.

Nabuo itong zine na “19” dahil sa inis na dulot ng pagkakakulong. Hindi lang mula sa loob ng tahanan, pati na rin sa yamot. Lingid man sa kaalaman ng nagbabasa nito ngayon, ang iilan sa mga akdang nakapaloob dito ay nailathala na sa *social media*. Sa kasamaang-palad, may nakabasa nitong hindi dapat dahilan kaya nabura ang lahat.

Pasasalamat sa isang ginoong itatago ko sa ngalang Sir Vim, Rappler, at Foundation AWIT, hindi man nila ito alam o mapansin, gusto ko pa ring ipaalam sa lahat na mula sa proyekto nila ang napagyabong na ideya nitong zine.

Pagdamutan ninyo itong munting ambag ko. Oo, hindi nakabubusog ngunit sana makatulong man lang makapagpapawi ng inyong bagot. Naglalaman ito ng 19 na akdang may tig-19 na salitang isinulat habang nagaganap ang quarantine dahil sa COVID-19. Nawa kahit papaano ay makaramdam kayo dito ng saya, inis, galit, ligalig, bagot, sakit, o lungkot nang matiyak na tao ka pa ring may gustong mangyari kaya nabubuhay.

—**Berto**, Awtor

"Matapat kahit walang source."

—**Renz**, Patnugot


"Juts ang mga kwento, ngunit daks ang emosyon.

Deep throat kapag binasa, ngunit hindi ka maduduwal."

—**Christian**, Tambay

Kumatok sa bahay ang mga tiga-Barangay. "Boss, rasyon po?" tanong ko.

"Subpoena, may pag-post-post ka pa, ha!" tugon nila.



"Curfew na, ha?" pagsita sa kanya.

"Pauwi na po ako." sagot niya.

"Sumama ka muna."

Noon siya huling nakita.

Sa Piitan

“Pagkain lang naman hiling ng aking tiyan!”

“P’wes magutom ka diyan!”

Mabuti pa ang selda may laman.

Pagpatay

"Brad, isama mo ito sa loob. Ito yung mainit!"

'Sang-oras makalipas:

"Brad, kumusta?"

"Ayos na, unti-unti nang lumalamig."

“Subukan ninyong lumabas!” banta sa pamilya ng patay.

Dahil sa takot, hindi lang pakikiramay ang ipinagdamot ng buong baranggay.



"Tatay, anong pagkain?" tanong ng kanyang bunso.

Isinuot niya sa anak ang mga bisig.

Sana nakabubusog ang pag-ibig.

Hapunan

"Tatay, wala po ba tayong pagkain?" tanong ni junior.

"Tulog ka na muna, anak." aking tugon.

Sa panaginip walang nagugutom.

"Kaliwa't kanan ang sumbat na ibinato ni Mando kay Leo.

Mayroon talagang mga taong parang orasang hindi napapagod magbilang.

“... Maghanap ka ng paraan.”

Matapos mapakinggan ng masunuring si Rod ang balita, limang mousetrap agad ang kanyang naipuwesto’t naihanda.

Ika-63 araw ng lockdown:

"Nanay, anong ulam?"

"Lutuin mo na yung bangkô, anak."

"Wala na po bang kutson, nay?"

"Burahin mo nga mga post mo, Darwin!"

"Bakit po?"

"Basta burahin mo! Sasamain ka!"

Hindi lahat ng diktador nasa gobyerno.

"Indâ, anong masasabi ninyo sa quarantine?"

"Apo, hindi ito mangyayari kundi nag-break ang JaDine..."

"... At competent ang pinuno natin."

"Hannah Hoarder? Yung gahamang alcohol reseller?" tanong ni Hesus.

"Opo, palagi po akong nagdarasal"

Pinababa si Hoarder matapos masampal.

“Mayor Rex! Bakit may prusisyon? Diba nga quarantine?”

sabi ng iilang ipinagmamalaki ang reading comprehension nila sa bayan namin.



Quarantine

Nang makita ni Dok na handa ang mga sundalo sa gera, napabulong siya.

"Sana kami rin, may sandata."

Ikaw,

Marapat lang na may pagpupugay silang (Front Liners) matanggap,

pero tandaang hindi sila maililigtas sa sakit ng palakpak.

"He is old and tired..." pagtatanggol ng hindi mabilang na mangmang
na sumasamba sa inkompetenteng lingkod-bayang nanalo noong halalan.

Paghuhukom

“Diba, ikaw yung dating pinuno ng Pilipinas?”

“Opo, 2016 hanggang 2022 po.”

“Hinihintay ka sa baba ni Satanas”

“... At mga pusong nagtimpi ay magliliyab!”

Nagkakabisado si Brando ng mga kantang maaaring awitin sa kalsada pagkatapos ng quarantine.

TUNGKOL SA AWTOR

Nagmula sa pinanggalingan. Hindi sobrang tanda. Hindi masyadong bata.

Height? Saks lang. Maraming ipinaglalaban, may gustong patunayan,
naniniwalang mayroong pinaniniwalaan.



